



Inatsisartut suleriaasianni § 37 imm. 1 malillugu Naalackersuisunut uku apeqquteqaatigaakka:

**Naalackersuisunut apeqquteqaatit:**

1. Nunanit allamiunut tungasut tigussagutsigit aningaasatigut allaffissornikkullu kingunissai ukununnga suussappat:
  - a. Pisortanut
  - b. Namminersorlutik inuussutissarsiuteqartunut?
  - c. Innuttaasunut?
2. Nunanit allamiunut tunngasut tiguneqassappata Naalackersuisut ersarissunik pilersaaruteqarpat?
3. Naalackersuisut suut suliniutiginiarpaat suliffeqarfinnut pisariinnerusumik nunanit allanit sulisussarsiortarnermut, atorfiit nunaqavissunik inuttassaqartinneqartinngat?
4. Kalaallit Nunaannut nunanit allamiunik sulisoqarnissamik isumaqatigiissutip pilertortumik sulisunik tikisitsisinnaanermik inatsisiliuunneqarnissaannut Danmarkimi Udlændinge- og Intregrationsministeriamut isumaqatiginninniutaasimasoq, sumut killippa?
5. Naalackersuisut nalilersinnaavaa, pilertortumik sulisunik tikisitsisinnaanerup isumaqatigiissutinut allanut atuutsissinnaanera, soorlu peqqinnissaqarfimmut isumaqatigiissutaasutut?
6. Pilertortumik sulisunik tikisitsisinnaanermut isumaqatigiissut peqqinnissaqarfimmut qanoq sunniuteqarsimava?
7. Suliffeqarnermut tunngasumik pilertortumik sulisunik tikisitsisinnaanermik Danmarkimi Udlændinge- og Intregrationsministeriaqarfimmut isumaqatigiissusiorneq ukununnga aningaasatigut allaffissornikkullu qanoq kinguneqarsinnaava:
  - a. Pisortanut?
  - b. Namminersorlutik inuussutissarsiuteqartunut?
  - c. Innuttaasunut?
8. Naalackersuisut oqaluuserisamut soqutiginarsinnaasunit allanik paasissutissiisinnaappat?

(Inatsisartunut ilaasortaq Nivi Olsen, Demokraatit)



## Tungavilersuut

Ullumikkut naalagaaffik nunanit allamiunut tunngasunut akisussaasuvoq. Ilaatigut ima isumaqarpoq, nunanit allanit sulisunik atorfinitsisarnermut akuerineqarnissaq allaffissornerujussuarmik kinguneqartarluni, atorfiit nunaqavissunik inuttassaqartinneqartinngit.

Ima pitsaanngitsumik kingunerisarpaa, naammassisaqarluarnissaq appartittarlugu taamatullu suliffeqarfiit inuiaqatigiillu aningaasanik isertitassaminnik annikinnerusunik pissarsisarlutik. Tamanna inuiaqatigiit aningaasaqarneranut pitsaanngitsuvoq.

Tamanna tungavigalugu misissorusuppara, nunanit allamiunut tunngasut tigusaat qanoq kinguneqarsinnaanersoq imaasillugu, uagut nammineerluta aaliangiisassasugut danskit allaffissornerujussuat aqqusaaqqaarnagu.

Taamatullu malinnaaffigerusuppara, Kalaallit Nunaannut nunanit allanit sulisunik tikisitsisarnermut pilertortumik sulisunik tikisitsisinnaanermut isumaqatiginninniarnert, Danmarkimi Udlændinge- og Integrationsministeriaqarfimmut isumaqatiginninniutigineqartut, qanoq ingerlanersut. Tassani inernerera sulisussaaleqinermut ajornartorsiutinut ikiuutaasinnaammat.<sup>1</sup>

Apeqqutima ullut suliffiusut qulit iluanni akineqarnissaat kissaatigaara.

---

<sup>1</sup> [https://naalakkersuisut.gl/da/Naalakkersuisut/Nyheder/2021/02/1502\\_rekruttering](https://naalakkersuisut.gl/da/Naalakkersuisut/Nyheder/2021/02/1502_rekruttering)